

Umhverfis- og samgöngunefnd Alþingis
bt. skrifstofu Alþingis, nefndasviðs
101 Reykjavík
nefndasvid@althingi.is

Dags. 05.02.2020
Tilv. 5618-0-0005
Mál 2019-0090
0.5.1

Með erindi dags. 23. janúar sl. óskaði umhverfis- og samgöngunefnd Alþingis eftir umsögn Veðurstofu Íslands um frumvarp til laga um loftslagsmál (hlutverk loftslagsráðs) – 467. mál.

Umsögn Veðurstofunnar er sem hér segir:

Í lögum um loftslagsmál nr. 70/2012 með síðari breytingum segir svo um meginhlutverk og verkefni loftslagsráðs:

„Starfrækja skal loftslagsráð sem hefur það meginhlutverk að veita stjórnvöldum aðhald og ráðgjöf um stefnumarkandi ákvarðanir og markmið Íslands sem tengjast loftslagsmálum.

Verkefni ráðsins eru að:

- a. veita ráðgjöf um samdrátt í losun gróðurhúsalofttegunda og aðgerðir til að auka kolefnisbindingu,*
- b. veita ráðgjöf um aðlögun að loftslagsbreytingum,*
- c. rýna á undirbúningsstigi áætlanir stjórnvalda sem snerta loftslagsmál,*
- d. hafa yfirsýn yfir miðlun fræðslu og upplýsinga um loftslagsmál til almennings, fyrirtækja, stofnana og sveitarfélaga,*
- e. rýna tillögur sem berast frá fagstofnunum um vöktun og rannsóknir sem tengjast loftslagsbreytingum,*
- f. vinna að öðrum verkefnum sem ráðherra felur ráðinu hverju sinni."*

Þannig er eitt af verkefnum ráðsins að koma að gerð aðgerðaráætlunar, þ.e. með því að rýna hana á undirbúningsstigi, sbr. staflíð c. hér að ofan.

Í frumvarpinu er lagt til að loftslagsráði verði til viðbótar falið það verkefni að leggja fram álitserð um það hvort aðgerðaráætlun stjórnvalda í loftslagsmálum uppfylli yfirlýst markmið stjórnvalda og alþjóðlegar skuldbindingar. Í ljósi þess að ráðið hefur þegar rýnt aðgerðaráætlunina er mögulegt að það komi ekki að áætluninni á þessu seinna stigi sem óháður aðili.

Þá skal bent á að sá tímarammi sem ráðinu er ætlaður til framlagningar álitserðarinnar er það knappur að ólíklegt er að það hafi mikinn tíma til annars en að benda á það sem þegar hefur verið rýnt. Umfangsmeiri og vandaðri skoðun krefst lengri tíma en fjögurra vikna.

Virðingarfyllst,



Árni Snorrason
forstjóri VÍ